

Haustrveiði

FÖSTUDAGUR 16. ÁGÚST 2019



Tommi Za og Grétar Mar eru með áratugareynslu af hvers kyns skotveiði. Þeir taka vel og fagmannlega á móti viðskiptavinum í Veiðihorninu í Síðumúla. FRÉTTABLAÐIÐ/SIGTRYGGUR ARI

Veiðihornið bryddar upp á spennandi nýjungum

Það eru spennandi nýjungar í boði hjá Veiðihorninu í ár. Nú er boðið upp á fimm ára ábyrgð á vinsælu haglabyssunum frá Stoeger og það er ekkert skráningargjald á nýjum byssum. ➔2



Í Veidihorninu er hægt að fá alls kyns gagnlegan veiðibúnað sem getur gert langar og erfiðar veiðiferðir bæði auðveldari og árangursríkari. Þá verða þær líka skemmtilegri.

Framhald af forsiðu →

Veiðihornið í Síðumúla 8 er rötgróin verslun sem býður upp á mikið úrval af veiðibúnaði fyrir skot- og stangveiðimenn.

„Helstu merkin í veiðirifflum eru japönsku Howa-rifflarnir og Remington-rifflarnir frá Bandaríkjunum, en Remington er yfir 200 ára gamalt fyrirtæki,“ segir Ólafur Vigfússon, eigandi Veidihornsins. „Veiðihornið á líka mikið úrval af gerðum og hlaupviddum af rifflum frá þessum tveim virtu framleiðendum á lager.“

Í haglabyssum eru stærstu merkin Remington, Stoeger, Benelli, Franchi, Escort og Beretta,“ segir Ólafur. „Það er bæði svo mikið úrval og verðbreidd hjá okkur að allir geta fundið sér nýja veiðibyssu við hæfi.“

Fimm ára ábyrgð á Stoeger

„Árum saman hafa vinsælustu haglabyssurnar hjá okkur verið Stoeger, en þær eru framleiddar í verksmiðju Beretta í Tyrklandi,“ segir Ólafur. „Stoeger-byssurnar eru bakslagsskiptar með snúningsbolta og byggja á tækni sem finna má í ítölsku Benelli- og Franchi-byssunum, sem eru framleiddar af fyrirtækjum sem eru í eigu sömu aðila.“

Frá og með ágúst 2019 getum við nú boðið fimm ára ábyrgð á öllum Stoeger-byssum, en það er mun lengri ábyrgð en er á mörgum margfalt dýrari byssum,“ segir Ólafur. „Stoeger-byssurnar eru afar traustar og áreiðanlegar og þær eru á afar hagstæðu verði, eða frá 59.900 kr. fyrir pumpurnar og frá 79.900 kr. fyrir þær hálfjálfrvirku.“

Við höfum flutt inn Stoeger-haglabyssurnar síðan árið 2002, þannig að við höfum dreift þeim á Íslandi í næstum 20 ár,“ segir Ólafur. „Það er því komin áralöng góð reynsla á Stoeger við íslenskar aðstæður.“



Veidihornið borgar skráningargjaldið fyrir þá sem kaupa nýja veiðibyssu.

Verð aldrei hagstæðara

„Remington-byssurnar þarf vart að kynna fyrir íslenskum skotveiðimönnum. Líklega hefur engin pumpa selst í sama magni og Remington 870 pumpan,“ segir Ólafur. „Þá voru Remington 1100 og 11-87 hálfjálfrvirku byssurnar líka með mest keyptu haglabyssunum árum saman.“

Ný kynslóð er að leysa þessar gömlu, góðu byssur af, en það

eru Remington V3 og Remington Versamax, sem eru með byltingarkenndan skiptibúnað,“ segir Ólafur. „Remington fullyrðir að nýi skiptibúnaðurinn sé sá áreiðanlegasti og hreinlegasti á markaðnum, auk þess sem byssurnar skipta öllum hleðslum vel og örugglega.“

Verð á Remington-byssunum er líka mjög hagstætt,“ segir Ólafur. „Verðið á pumpunum er frá aðeins



Vinsælu Remington Nitro Magnum og Rio haglaskotin fást í Veidihorninu.



Remington-haglabyssurnar hafa notið mikilla vinsælda á Íslandi.

79.900 kr. og á hálfjálfrvirku Remington-byssunum er það frá aðeins 89.900 kr.“

Veidihornið borgar skráningargjaldið

„Frá og með gærdeginum, 15. ágúst, borgar Veidihornið skráningargjaldið fyrir viðskiptavinum sem fjárfesta í nýjum veiðibyssum,“ segir Ólafur. „Með þessu auðveldum við viðskiptavinum okkar að eignast ný skotvopn og viðskiptavinir okkar spara sér 6.000 krónur sem þeir annars þyrftu að greiða fyrir endurnýjun skotvopnaskirteinis. Það munar um minna.“

Öflugustu haglaskotin

„Allir geta verið sammála um að einhver albestu haglaskotin á

Frá og með ágúst 2019 getum við nú boðið fimm ára ábyrgð á öllum Stoeger-byssum, en það er mun lengri ábyrgð en er á mörgum margfalt dýrari byssum. Stoeger-byssurnar eru afar traustar og áreiðanlegar og þær eru á afar hagstæðu verði.

Ólafur Vigfússon

markaðnum eru Remington Nitro Magnum skotin, en þú færð þau í Veidihorninu, auk vinsælu Rio haglaskotanna frá Spáni,“ segir Ólafur. „Bæði þessi merki hafa aukid við sig markaðshlutdeild ár frá ári og eru einhver vinsælustu haglaskotin á markaðnum í dag.“

Í skotveiðideild Veidihornsins eru til aðstoðar veiðimenn með margra ára reynslu af skotveiði og skotfimi og við leggjum gríðarlega áherslu á faglega og góða þjónustu,“ segir Ólafur. „Viðskiptavinir Veidihornsins geta því treyst því að þeir séu í góðum höndum hjá okkur hérna í Síðumúla 8.“



TOYOTA

ALWAYS A
BETTER WAY

Pegar haustið kallar á þig. Hilux Invincible



Verð frá: 6.170.000 kr.



Invincible 33" breytingapakki að verðmæti 700.000 kr. fylgir

Hilux er ódrepanði harðjagl og með 33" breytingu eruð þið ósigrandi saman. Hilux Invincible kemur þér þangað sem þig langar, hvort sem það er leiðangur upp til fjalla, næsti veiðitúr eða bara að komast aðeins út fyrir borgina til að ná andanum. Hilux Invincible aukahlutapakki: 33" breyting, hlíf undir framstuðara, gluggavindhlífar, króm á afturljós og Invincible-merki.

2 ára þjónustupakki fylgir með nýjum Hilux, viðskiptavinum að kostnaðarlausu.

Nú er 7 ára ábyrgð á öllum nýjum Toyota bifreiðum



UMHVERFISVERÐLAUN ATVINNULÍFSINS
UMHVERFISFYRIRTÆKI ÁRSINS



Toyota Kaupúni
Kaupúni 6

Toyota Akureyri
Baldursnesi 1

Toyota Reykjanesbæ
Njarðarbraut 19

Toyota Selfossi
Fossnesi 14

Billinn í þessari auglýsingu endurspeglar ekki endilega það verð og þann búnað sem tilgreindur er. Fyrirvari við 7 ára ábyrgð: Ökutækinu skal viðhaldið samkvæmt vörulýsingu og leiðbeiningum framleiðandans og ber eigandi kostnaðinn við slíkt viðhald. Sé það ekki gert getur það valdið ógildingu ábyrgðar varðandi hluti sem þarfnast viðhalds. Gildir eingöngu um bíla sem fluttir eru inn af Toyota á Íslandi ehf. Birt með fyrirvara um villur.

Rómantískt að veiða saman

María Anna Clausen er mörgum kunn fyrir að kasta kveðju á landsmenn undir nafninu María í auglýsingum Veiðihornsins. Hún smitaðist af veiðibakteríunni strax á barnsaldri.

Þórdís Lilja Gunnarsdóttir
thordisg@frettabladid.is



Ég byrjaði að veiða sem lítil hnáta í fjölskylduferðum um landið. Ég varð fljótt fiskin, sem jók enn á veiðihugann, og var bæði dugleg og ævintýragjörn á bakkanum. Ef ég fékk ekki fljótlega fisk á spúninn tók ég spúnaboxið traustataki og prófaði þá alla, eða þar til ég fékk fisk og það gerist iðulega hjá mér," segir borgarbarnið María sem heillaðist ung af útvist og íslenskrí náttúru á uppvaxtarárunum.

„Í þá daga miðuðust öll fri fjölskyldunnar við að fara út úr bænum með veiðistangir í skottinu og renna fyrir fisk. Ég á því ótal dýrmætar minningar um vatnaveiði um æskunnar lönd og hef veitt á stöng allar götur síðan," segir María.

Ljúfar minningar hjóna

Veiðikonan María fann ástina í örmum veiðimannsins Ólafs Vigfússonar en saman keyptu þau verslunina Veiðimanninn árið 1998 og hafa nú rekið verslunina Veiðihornið síðastliðið 21 ár.

„Við Óli förum strax í veiðitúra saman og byrjuðum bæði í skotveiði eftir að við keyptum búðina. Það er bæði rómantískt og frábært að veiða saman og dýrmætt fyrir hjón að hafa sama áhugamál. Það gefur mikið að plana ferðalögin saman, eiga sömu upplifanir, skemmtilegar stundir og yndislegt að geta deilt sömu lífsreynslu og minningum," upplýsir María sem veiðir með Óla sínum á öllum árstíðum en þó mest á veturna þegar



Veiðihjónin Ólafur Vigfússon og María Anna Clausen með tvö íslensk hreindýr sem þau felldu í sumar.

hjónin halda í víking til að veiða um heimsins lönd og höf.

„Við förum jafnan í eina skotveiðiferð og tvær stangveiðiferðir á hverjum vetri. Undanfarna vetur höfum við farið til Namibíu að skjóta framandi dýr og til Seychelleseyja og Jóláeyja í stangveiði. Þetta eru löng og ströng ferðalög en í Namibíu hef ég meðal annars veitt sebrahest og eland-antilópu, sem eru stórvaxin og tignarleg dýr af snúinhyrndri antilóputegund. Það hefur aldrei vafist fyrir mér að skjóta bráð og mér þykir það ekki til-tökumál, enda þarf að grisja marga dýrastofna, eins og íslenska hreindýrastofninn, og við Óli förum ávallt í skotveiði undir traustri veiðistjórnun í hverju landi fyrir sig," útskýrir María sem verður aldrei þreytt á veiðiskapnum.

„Nei, veiðimennskan er svo spennandi. Í því felst undirbúningurinn, útivera og náttúruupp-

lifun í íslenskrí náttúru, sem og annars staðar. Veiðiskapur er lífsstíll og tilhlökkun er stór hluti af veiðinni. Í búðina kemur stundum eldra fólk sem er að mestu

hætt að veiða en fer þó enn í eina veiðiferð á ári. Spennungurinn og tilhlökkunin leynir sér ekki og þótt maður fari bara í einn veiðitúr á sumri er hægt að skemmta sér við að tala um hann allan veturinn við veiðifélagana, spá í hvaða græjur eigi að nota og hvernig eigi að haga þessu öllu," segir María brosmild.

Skotið í villtri náttúru Afríku

Þegar kemur að veiðiskap er María höllust undir stangveiði í ám, en hún hefur líka yndi af skotveiði.

„Mér þykir voðalega vænt um Vatnsdalsá í Húnavatnssýslu. Þangað fór ég með foreldrum mínum í æsku og fer enn. Áin gefur ágætlega af sér og það er fjölbreyttur fiskur í henni; lax, bleikja og

urriði og alltaf eitthvað óvænt sem kemur upp á. Laxinn er auðvitað mest spennandi, hann útheimtir miklar pælingar og fiskarnir geta verið stórir, en í Vatnsdalsá þarf að sleppa laxi en það má hirða bleikjurnar," segir María sem matreiðir aflann þegar heim kemur.

Þegar sumarönnun í Veiðihorninu lýkur í haust halda þau María og Óli í fyrsta sinn til veiða í Sambíu.

„Ég hlakka mikið til. Það er töfrandi að veiða í Afríku og eftirminnilegasta veiðiferðin var sú fyrsta til Namibíu. Það var allt svo framandi og ævintýrlegt, að ganga um í kyrrðinni og eltast við villt dýr sem maður hafði bara áður séð í dýragörðum en gengu þarna frjáls um í sínu ægiffagra náttúrulega umhverfi. Því fylgdi mikil spennan og vissulega voru mannýg rándýr á næsta leiti en maður er alltaf í fylgd með leiðsögumanni sem þekkir vel aðstæður og passar upp á hlutina," segir María en veiðiferðir þeirra hjóna standa jafnan yfir í viku hverju sinni.

„Af dýrum sem ég hef skotið er ég stoltust af eland-dýrinu sem var orðið aldráð og svipmikið. Einnig sebrahesti sem ég skaut og er nú dýrindis feldur heima í stofu. Við eigum orðið ágætis safn gripa sem

Það er dýrmætt fyrir hjón að eiga sama áhugamál og alveg yndislegt að geta deilt sömu lífsreynslu og minningum.

er gaman að ylja sér við, bæði uppstoppaða fiska, hausa og skinn, en ég lít á það sem safn minninga og hef gaman af því að punta heimilið og sumarbústaðinn með minjagripum frá ferðalögum okkar um heiminn."

María á þrjár byssur; hagla-byssu, 22 kalibera riffil og 308 kalibera riffil sem hún notar til hreindýraveiða og tekur með sér til Afríku.

„Ég er líka í Skotfélagi Kópavogs og æfi þar reglulega með fleiri konum yfir veturinn. Það er partur af veiðinni að hittast og æfa sig og skemmtileg stemning að skjóta og spjalla um veiði yfir veturinn. Skotfimi er vinsælt sport og töluvert um að fólk sé í skotfimi til að skjóta sér til ánægju en ætli sér aldrei að veiða," upplýsir María sem er einnig meðlimur í veiðihópnum Árdísun sem samanstendur af 80 konum í stangveiði og skotveiðihópnum T&T sem farið hefur utan til Skotlands og Eistlands til veiða.

Heimilislegt að hitta Maríu

Margir kannast við Maríu úr útvarpsauglýsingum Veiðihornsins þar sem hún endar auglýsingalesturinn á því að segja nafn sitt; María.

„Mig langaði að gera lesturinn að okkar og finnst ég tala meira til viðskiptavina með því að tala beint við þá. Fólk finnst það kannast við mig þegar það kemur í búðina og það er auðveldara og persónulegra að stíga inn í umhverfi þegar maður hefur nafn til að tengja við og veit við hvern maður er að tala. Því finnst mörgum heimilislegt að hitta fyrir Maríu í búðinni," segir María sem nýtur hvers dags í Veiðihorninu.

„Það er einstaklega gefandi að vera með búð og upplifa gleði þeirra sem koma til að græja sig upp fyrir veiðiskapinn. Allir sem vinna hjá okkur hafa verið lengi í sportinu og miðla miklum fróðleik úr sínum reynslubrunni. Stemningin er alltaf góð og það er skemmtilegt í vinnunni."

MAGNESÍUM frá BetterYou

Getur verið slakandi, dregið úr krömpum og fótapingi ásamt því að bæta svefn.



Olíuúði

Fæst í apótekum, heilsubúðum og heilsuhillum stórmarkaða.

Fyrir alla sem finna fyrir eymslum og þreytu í vöðvum.



Olíuúði

Fyrir íþróttafólk og þá sem stunda mikla hreyfingu. Flýtt endurheimt vöðva.



Olíuúði

Fyrir svefninn. Stuðlar að meiri ró og hefur reynst vel við fótáeirð.



Gel

Fyrir þreytta og auma vöðva. Hátt magnesíum innihald og hröð upptaka.

ALLT FYRIR GÆSAVEIÐINA

Benelli

SAVAGE ARMS



BERETTA

FRANCHI

Byssur - byssutöskur - skot - gerfigæsir - gæsaflautur - felubirgi - felunet - bakpokar - töskur og veiðigallar

**NYTT
2019**



Beretta A400 Plus



Deerhunter
SKOTVEIÐIFATNAÐUR

**NYTT
2019**



Benelli Raffaello BE Diamond

**NYTT
2019**



Franchi Affinity 3 Max5

**NYTT
2019**



Bettinsoli



Allen Camo Omnitex felugirðing



HOLL

Hágæða haglakot



Avian X Gerfigæsir



Vesturröst

Sérverslun veiðimannsins - Laugaveg 178 - sími: 551 6770 - www.vesturrost.is

Maður þarf að vera klókari en bráðin til að komast í færi

Þorvaldur Björnsson hefur stundað veiði í áratugi, bæði stangveiði og skotveiði. Hann fékk undanþágu til að kaupa riffil snemma á unglingsaldri en 12 ára gamall var hann byrjaður að skjóta.

Það liggur við að ég hafi gert þetta frá því ég man eftir mér. Ég byrjaði að fara með þessa á veiðar, síðan þegar ég er 14 ára fer ég í sveit og fer að verja æðarvarp sem var þar. Þá var það flugvargur, minkur og refur sem maður fór að eltast við," segir Þorvaldur.

Hann segir að síðan þá hafi hann veitt gæs, rjúpu og hreindýr og líka farið utan að skjóta villisvín, hirti og dádýr. „Ég hafði nú ekki fyrir því að taka bráðina heim. Ég fór út til félaga míns sem er með svæði þar sem þarf að skjóta ákveðinn kvóta af dýrum og ég hjálpaði bara til við það.“

Þorvaldur segir að allar veiðar séu skemmtilegar á sinn hátt og því hefur hann stundað þær jöfnum höndum. „Þetta hefur allt sinn sjarma. Það er gaman að vera úti að labba í snjó og eltast við rjúpur, spennandi að liggja fyrir gæs og líka spenna að ná í hreindýr og mink. Á refnum felst spennan í að biða og fá hann á grenið. Maður þarf að vera klókari en bráðin til að komast í færi til að ná henni. Þetta er það sama með stangveiðina. Það er ákveðin reynsla sem hjálpar manni að ná árangri og það þarf að hafa útsjónarsemi til að vita hvar bráðina er helst að finna.“

Markmiðið með veiðinni, að sögn Þorvaldar, er að veiða sér sjálfur til matar. Hann lætur líka aðra njóta góðs af henni og gefur mikið af því sem hann veiðir.

„Það er líka mikilvægt að halda mink niðri á vissum svæðum til að fuglalíf þrífist. Sérstaklega



Þorvaldur stundar bæði stangveiði og skotveiði. MYND/BJARKI GUÐMUNDSSON

á eyjunum við Breiðafjörð. Ég er búinn að fara þangað í fjölda ára og hjálpa mönnum að halda minknum niðri. Hann getur skemmt mikið ef honum er ekki haldið í skefjum, hann getur eytt lunda og eyðilagt æðarvarp svo dæmi séu tekin. Það er mikilvægt að fuglar sem eru í eyjunum fái

fríð til að verpa. Það er það sama uppi á teningnum með refinn. Maður reynir að halda honum niðri á ákveðnum svæðum.“

Að öðru leyti segir Þorvaldur að það sé aðallega útiveran sem heillar við veiðina og að veiðitúrarnir séu fullkomnir með góðum veiðifélögum. Hann segist líka

Þetta hefur allt sinn sjarma. Það er gaman að vera úti að labba í snjó og eltast við rjúpur, spennandi að liggja fyrir gæs og líka spenna að ná í hreindýr og mink.

gera mikið af því að tína ber. „Ég er brjáláður í berjatinslu og tinni tugi lítra á hverju sumri.“

Þorvaldur segir að vissulega fylgi það skotveiðinni að borða mikið af villibráð. Konan hans sér þó aðallega um eldamennskuna. „Menn eru stundum að hringja í mig og spyrja mig hvernig eigi að elda gæsir. Ég segi þeim að vera ekki að spyrja mig að því. Þegar ég er einn heima þá set ég gæsina bara í ofnpoka til að þurfa ekki að þrifa ofninn. Ég elda hana svo í svona klukkutíma og borða með kokteilsósu. Aðrir eru oftast með eitthvað flott í kringum þetta. Góð salöt og kartöflur, en það fylgir þessu ekki mikil eldamennska hjá mér. Ég hef þetta bara mjög einfalt og fljótlegt.“

PIONER PLASTBÁTAR

Pioner eru heilsteypdir, norskir plastbátar, sterkir, léttir og liprir sem þurfa lítið viðhald og endast lengi. Þeir fást í nokkrum stærðum og litum en allir Pioner bátar eru með tvöfaldan byrðing, þola hitabreytingar vel og henta vel fyrir íslenskar aðstæður, jafnt í ferskvatni og sjó.

Í Pioner bátana fást aukahlutir eins og handrið að framan og púðar í sæti. Það fer eftir gerð hvaða aukahluti er hægt að fá.

ISO-vottað með tilliti til gæða og umhverfis.


FLÖSKUR

í íslensku sjávarríki


Marine bottles of Iceland | Flaschen im isländischen Meer



Norðursjavar Kóli
Atlantic Cola




Lúði
Plastysis
Aukreitis



Plastbitur
Virus Plastikus




Spuri
Flaskus Flaskus




Ískóli
Plastus Vesenis



Sóðabikkja
Mengunis Majoris



Maghnútur
Sodapop Virus



Storsíli
Úrgangus Ópolandis



Skarskólpi
Kippis Kippus



Djúpsjavar lufsi
Maritima Polyurethane

Ef plastnotkun þróast áfram eins og hún er í dag þá er því spáð að árið 2050 verði jafnmikið af plasti og fiski í höfunum í kílóum talið. Leggðu þitt af mörkum og tryggðu að allar drykkjarumbúðir á þínu heimili skili sér í Endurvinnsluna. Þannig leggur þú þitt af mörkum og færð greitt fyrir það!

 **Flöskumóttaka**
Endurvinnslan





Skotveiðimenn þurfa að fara á tvö námskeið til að fá rétt til veiði.

Námskeið fyrir skotveiðimenn

Umhverfisstofnun hefur umsjón með skotvopna- og veiðikortanámskeiðum um allt land. Þeir sem hyggjast stunda almennar skotveiðar þurfa að vera handhafar skotvopnaleyfis og veiðikorts. Til að öðlast þau réttindi er farið á tvö námskeið, skotvopnanámskeið og veiðikortanámskeið, að því er kemur fram á vefnum island.is.

Skotvopnanámskeið Umhverfisstofnunar eru ætluð þeim sem vilja sækja um skotvopnaleyfi hjá lögreglunni. Ef námskeiðinu er lokið með fullnægjandi árangri getur námskeiðsfari sótt um A-skotvopnaleyfi að því loknu.

Athuga ber að skotvopnaleyfi veitir takmarkaðan rétt til þess að stunda skotveiðar og því fara flestir einnig á veiðikortanámskeið.

Almenn skilyrði til að mega sækja skotvopnanámskeið:

- Að hafa náð 20 ára aldri, vera andlega heilbrigður og hafa ekki verið sviptur sjálfræði.
- Að hafa ekki gerst brotlegur við ákvæði almennra hegningarlaga, áfengislaga, laga um ávana- og fíkniefni, vopnalaga eða laga um vernd, friðun og veiðar á villtum fuglum og villtum spendýrum.
- Ef brot er smávægilegt eða langt um liðið frá því brot var framið og refsing hefur ekki farið fram úr sektum eða varðhaldi má vika frá þessu skilyrði.

Gögnin sem skila þarf inn til lögreglu ef sótt er um að fara á skotvopnanámskeið eru eftirfarandi:

- Sakavottorð sem sótt er um hjá lögreglu um leið og gögnum er skilað.
- Læknisvottorð sem er sérstaklega útgefið vegna skotvopnaleyfis.
- Nýleg passamynd.
- Umsóknareyðublað um þátttöku í skotvopnanámskeiði með undirskrift tveggja meðmælenda.
- Ekki þarf að skila inn ofangreindum gögnum ef ætlunin er að fara eingöngu á veiðikortanámskeið.

Veiðikort:

- Veiðikortanámskeið Umhverfisstofnunar eru ætluð þeim sem vilja sækja um veiðikort.
- Veiðikort gefur almenn réttindi til þess að stunda veiðar á spendýrum og fuglum á Íslandi samkvæmt íslenskum lögum.
- Veiðikort veitir ekki skotvopnaréttindi og því fara flestir einnig á skotvopnanámskeið.
- Allir sem hyggjast stunda almennar fugla-, refa- eða hreindýraveiðar verða að vera handhafar veiðikorts.
- Ef námskeiðinu er lokið með fullnægjandi árangri getur námskeiðsfari sótt um veiðikort að því loknu.

Gott að vita fyrir hreindýraveiðar

Umhverfis- og auðlindaráðherra hefur ákveðið hreindýrakvóta fyrir 2019 að fengnum tillögum frá Umhverfisstofnun. Heimilt verður að veiða allt að 1.451 dýr á árinu, 1.043 kýr og 408 tarfa. Um er að ræða sama fjölda dýra og hreindýrakvóti fyrra árs kvað á um.

Veiðin skiptist milli níu veiðisvæða og eru mörk þeirra og fjöldi dýra á hverju svæði tilgreind í auglýsingu frá ráðuneytinu.



Veiða má hreindýr á níu stöðum á landinu þetta veiðitímabil.

Heimildirnar eru veittar með fyrirvara um að ekki verði verulegar breytingar á stofnstærð fram að veiðum sem kalli á endurskoðun veiðiheimilda. Þá hefur ráðuneytið verið með í skoðun áhrif kúaveiða á kálfa. Niðurstöður þeirrar athugunar geta mögulega haft áhrif á veiðitíma hreindýra, sem kveðið er á um í reglugerð.

Veturgamlir tarfar eru alfríðaðir og miðast tarfaveiði því við tveggja vetra og eldri.



Notaðu skynsemina

Pedigree fyrir hundinn þinn!

Björn og Lára í Heimsendaræktun hafa í áratugi helgað sig ræktun og þjálfun hunda. Þau hafa í gegnum árin náð frábærum árangri og meðal annars gefið af sér tugi alþjóðlegra og íslenskra meistara.

Undanfarin 15 ár hafa þau eingöngu fóðrað sína hunda á Pedigree hundafóðri



- | | | | |
|---|--|--|--|
| <p>Öll næring sem hundurinn þinn þarfnast
Réttu blandan af næringarefnum sem heldur hundinum þínu heilbrigðum og fullum af orku.</p> | <p>Heilbrigð húð og glansandi feldur:
Réttu blandan af Omega 3 og 6 fitusýrum gagnast hundinum þannig að honum líði vel og liti vel út.</p> | <p>Styrkir náttúrulegar varmir: Vitamín E, andoxunarefni og valin steinefni stuðla að verndun náttúrulegra mótefna hundsins þíns.</p> | <p>Sterkar tennur og heilbriggt tannhold:
Sérmótaðir stökkir bitar sem halda tönnunum sterkum. Án viðbættis sykurs.</p> |
|---|--|--|--|

Enginn viðbættur sykur

Þróað af dýralæknum

Engin tilbúin bragðefni

Pedigree hvetur alla hundaeigendur til að virða lög og reglur um hundahald. www.pedigree.is